



PRIVREDNA/GOSPODARSKA KOMORA
FEDERACIJE BOSNE I HERCEGOVINE

Glasnik

Broj 155 novembar/studeni 2017. Godina XVI

ISSN 1840-0310

PRIVREDNA/GOSPODARSKA KOMORA
FEDERACIJE BOSNE I HERCEGOVINE




Info dan metalaca 2017.

*Javne rasprave po Zakonu o porezu na
dohodak, Zakonu o doprinosima i
Zakonu o porezu na dobit*

Brza pošta. Uvijek na vrijeme. Nekada i ranije.





**PRIVREDNA/GOSPODARSKA KOMORA
FEDERACIJE BOSNE I HERCEGOVINE**

CHAMBER OF ECONOMY OF THE FEDERATION OF BOSNIA AND HERZEGOVINA

I M P R E S U M

Glasnik
Privredne/Gospodarske komore
Federacije Bosne i Hercegovine
Godina XVI
novembar/studeni 2017.

GLASNIK uređuje
Redakcijski kolegij:

Mirsad Jašarspahić dipl.ig.maš.
dr.sci.Marko Šantić dipl.ecc.

Glavni urednik
Amela Kečo dipl.prav.

Izvršni urednik
Željko Raguž dipl.ecc.

Almin Mališević dipl.ing.maš.
Erina Lasić dipl.ing.agr.

Adresa:
Privredna/Gospodarska komora FBiH
za Glasnik –
Branislava Đurđeva 10/IV
71000 Sarajevo
Kontakt: glasnik@kfbih.com

Telefoni: 033 566 300, 217 782,036/332-963
Fax: 033 217 783,036/332-966

www.kfbih.com

Priprema i izdaje:
Privredna/Gospodarska komora FBiH

Cijenjeni privrednici

Redakcijski kolegij e-Glasnika Privredne/Gospodarske komore F BiH je pripremio novembarsko izdanje časopisa.

Protekli mjesec su obilježile brojne aktivnosti u našoj Komori, susreti privrednika, aktivnosti na zakonskoj regulativi, od kojih izdvajamo:

Info dan kojeg organiziramo po djelatnostima, u ovom mjesecu je rezerviran za tekstilce i vrijedne metalce. Održani su Info dan tekstilne i kožarsko-prerađivačke industrije i Info dan metalaca 2017. sa kojih Vam prenosimo dio atmosfere.

Prezentiramo vam i rezime sa Javnih rasprava po nacrtu Zakona o porezu na dohodak, Zakona o doprinosima te Zakona o porezu na dobit.

Iz ostalih aktivnosti Komore izdvajamo prezentaciju firme „BORPLASTIKA EKO“ d.o.o. Tuzla, sastanak sa predstavnikom italijanskog Udruženja Assomac, te posjetu generalnog konzula Bosne i Hercegovine u Republici Turskoj gospodin Kemal Baysak Komori F BiH.

Iz sajamskih aktivnosti izdvajamo posjetu predstavnika Komore F BiH sajmu FMB u Bad Salzfluenu i 25. Zagorski gospodarski zbor „Krapina 2017“.

Rubrika Uspješne priče u ovom broju pripada uspješnoj kompaniji "Koteks" d.o.o. Tešanj i njihovoj uspješnoj realizaciji proširenja proizvodnih kapaciteta.

U rubrici bh proizvod predstavljamo uslugu Hrvatskih pošta d.o.o. Mostar . Iz ove kompanije nam poručuju: " Brza pošta. Uvijek na vrijeme. Nekada i ranije."

Na stranicama koje slijede donosimo i druge zanimljive i korisne informacije.

Redakcijski kolegij

Info dana tekstilne i kožarsko-prerađivačke industrije



Privredna/Gospodarska komora Federacije BiH u sklopu svojih redovnih aktivnosti radi na jačanju saradnje i uspostavljanju partnerskih odnosa koji doprinose uspješnom poslovanju privrednih subjekata.

Obzirom na evidentan rast tekstilne i kožarsko-prerađivačke industrije u Bosni i Hercegovini, Privredna/Gospodarska komora F BiH nastoji kroz različite aktivnosti dati svoj doprinos na jačanju i daljem razvoju, značajne okosnice industrije u BiH. Stim u vezi, u skladu sa svojim planiranim aktivnostima Privredna komora FBiH i Fakultet za tehničke studije Univerziteta u Travniku organizirali su prvi "Info dan tekstilne i kožarsko prerađivačke industrije" koji se održao u Travniku, u prostorijama Fakulteta za tehničke studije.

Kroz zanimljiv programski sadržaj gostima i učesnicima prezentirano je stanje sektora kao i tok realizacije Strategije razvoja ovog sektora. Kako je uspjeh svake industrijske grane ovisan o kvalitetnom proizvodu koji je potrebno osigurati tokom cijelog proizvodnog procesa, stručno predavanje na tu temu održao je doc.dr. Samir Pačavar, voditelj smjera tekstilnog inženjstva i dizajna Fakulteta za tehničke studije. Generalni direktor renomiranog proizvođača šivaćih strojeva JUKI Central Europe, gosp. Masanori Awasaki, kao partner ove manifestacije, prezentirao je nove tehnologije i inovativna rješenja u procesima proizvodnje koje nudi ova kompanija.



Budućnost tekstilne industrije u BiH treba posmatrati sa stajališta ljudskih resursa, fizičkih i materijalnih kapaciteta u kojima strojevi kao alati igraju važnu ulogu te je na Info danu održan i Okrugli stol na temu: Strojevi i oprema u funkciji razvoja tekstilne i kožarsko-prerađivačke industrije.

Pripremila Jasmina Zejnilagić dipl.ecc.

Održan Info Dan metalaca 2017.

U skladu sa Zaključcima prošlogodišnjeg Info dana metalaca, da susreti metalaca prerastu u tradicionalne susrete privrednika iz oblasti metalske industrije, u organizaciji Privredne/Gospodarske komore F BiH je 14.11.2017.godine održan Info Dan metalaca.

U okviru Info dana metalaca pripremljen je cjelodnevni sadržajan program, u kojem su između ostalog, održane prezentacije metaliskog sektora, namjenske i automobilske industrije.



Prisutne je pozdravio i zaželio dobrodošlicu predsjednik Privredne /Gospodarske komore FBiH gosp. Mirsad Jašarspahić te naglasio je značaj i ulogu ovog sektora u ukupnoj prerađivačkoj industriji i izvozu. Naveo je da se o industriji koja proizvodi proizvode visokog stepena finalizacije koji uključuje ekspertize i stručni rad. Privredna komora FBiH nakon ovakvih skupova očekuje parametre koje će koristiti za istraživanje tržišta i pronalaženje partnera za svoje članice - naveo je Jašarspahić. Gosp. Jašarspahić je svim metalcima uputio čestitku povodom 15. novembra Dana metalaca.

U uvodnom dijelu, mnogobrojnim privrednicima, predstavnicima institucija u F BiH, predstavnicima diplomatskih predstavništava, nevladinog sektora u BiH i dr. obratio se i premijer Vlade F BiH gosp. Fadil Novalić.

Obraćajući se prisutnima premijer Novalić je istakao da je danas metalska industrija jedan od najvažnijih sektora privrede zbog tradicionalnog naslijeđa i resursa koje posjedujemo, te da su glavni stubovi na kojima počiva njeno dugogodišnje liderstvo proizvodnja metala, te automobilska i namjenska industrija.

Govoreći o izazovima, Novalić je naglasio da je ovo jedna od industrija koja mora pratiti tehnološka dostignuća.

Kada je riječ o radnoj snazi i specifičnim obukama u metalnoj industriji, kako je dodao, tu postoji izazov kako da se održi, unaprijedi i zadrži proizvodni kadar. Kako je povod za održavanje Info dana metalaca i 15. novembar Dan metalaca, premijer Novalić je čestitao ovaj Dan svim metalcima i svima drugima koji shvataju važnost te branše".





Obraćajući se prisutnima Federalni ministar razvoja, poduzetništva i obrta Amir Zukić je istaknuo da ministarstvo prije svega radi na poboljšanju regulatornog okvira i da su u toku aktivnosti sa Svjetskom bankom na izradi zakona o poticaju male privrede, gdje bi vjerovatno metalski sektor, koji ima možda najveći razvoj i izvozne šanse, imao poseban tretman. Nastojat će se kroz taj regulatorni okvir stvoriti pretpostavke za još brži razvoj metalnog sektora koji i sada čini oko četvrtinu proizvodnje i trećinu izvoza sa 30 hiljada zaposlenih. Istovremeno, imamo i druge vidove podrške, odnosno grant šeme gdje potičemo jačanje konkurentnosti i izvoza u čemu upravo metaloprerađiva predstavlja jedan od prioriteta. Drugi dio se tiče saradnje s Razvojnou bankom FBiH gdje godišnje oko šest miliona KM dajemo po povoljnim kreditnim uslovima, a čime se stimuliše nabavka mašina i ulaganje u proizvodnju – kazao je Zukić. Ministar Zukić je metalcima čestitao Dan metalaca.

U ime Federalnog ministra energije, rudarstva i industrije gosp. Nermina Džindića, prisutne je pozdravila gospođa Amela Mikulić.



Predsjednik Udruženja metalne i elektro industrije gosp. Kasim Kotorić je povodom 15. novembra Dana metalaca, metalcima BIH uputio i zaželio uspješno poslovanje. Prisutnima se obratio prezentirajući metalnu industriju FBiH, ukazavši da metalski sektor u BiH više decenija drži poziciju najvažnijeg sektora privrede u BiH, odnosno u F BiH. U periodu između 2001. i 2004. godine

nekoliko velikih preduzeća metalnog sektora je uspjele okončati proces privatizacije pronalaženjem strateških partnera. U ovim kompanijama je zatim došlo do restrukturiranja, nabavke nove opreme, rješavanja statusa zaposlenih i osiguranja finansijskih sredstava za izlazak na inostrano tržište.

Vodeće tarife u izvozu sektora

Ukoliko se sagledaju ukupni statistički pokazatelje Izvoz Federacije BiH do IX 2017. iznosio je 5,4 milijarde i za 16,40 % viši u odnosu na isti period prethodne godine. Ukupan uvoz iznosio je 9,2 milijarde uz evidentiran porast od 15,78% u odnosu na isti period 2016.godine. Pokrivenost uvoza izvozom je 58,7%.

Udio izvoza metalnog i elektro sektora FBiH je 2.2 milijarde KM u kojem je evidentiran porast izvoza ruda, metala i njihovih proizvoda od 26,06% , te mašine, aparati, meh.uređaji,kotlovi, vozila, oružje bilježe porast od 13,93%.

Top zemlje izvoza: Njemačka, Hrvatska, Italija, Austrija, Srbija.

Ukupan broj zaposlenih u sektoru kreće se oko 30.000.

Tarifa	Vodeća tarifa u izvozu	vrijednost
7213	Toplo valjana žica od željeza ili nelegiranog čelika	130.552.210
9306	Bombe, granate, torpeda, mine, rakete..	118.383.385
7214	Šipke od željeza ili nelegiranog čelika	103.108.528
7604	Šipke i profili od aluminija	100.884.258
7308	Konstrukcije	87.477.274
8482	Kuglični ili valjkasti ležaji	73.473.488
7610	Konstrukcije od aluminija	62.775.090
	UKUPNO	676.654.233

Metalni i elektro sektor je jedan od najvećih izvoznih sektora u F BiH. Proizvodi od metala imaju značajan razvojni potencijal, ali još uvijek prednjači izvoz proizvoda sa niskom dodanom vrijednošću. Ukoliko se sagledaju ukupni statistički pokazatelje Izvoz Federacije BiH do IX 2017. Iznosio je 5,4 milijarde i za 16,40 % viši u odnosu na isti period prethodne godine. Ukupan uvoz iznosio je 9,2 milijarde uz evidentiran porast od 15,78% u odnosu na isti period 2016.godine. Pokrivenost uvoza izvozom je 58,7%. Udio izvoza metalnog i elektro sektora FBiH je 2.2 milijarde KM u kojem je evidentiran porast izvoza ruda, metala i njihovih proizvoda od 26,06% , te mašine, aparati, meh.uređaji,kotlovi, vozila, oružje bilježe porast od 13,93%. Top zemlje izvoza: Njemačka, Hrvatska, Italija, Austrija, Srbija. Istaknuo je da se ukupan broj zaposlenih u sektoru kreće oko 30.000. Metaloprerađivački sektor čini gotovo 1/4 ukupne proizvodnje, te oko 1/3 izvoza BiH. Razvoj integratora, razvoj i modernizacija proizvodnih kapaciteta, širenje proizvodnog portofolia, otvaranje novih tržišta, povećanje konkurentnosti, stalno tehničko-tehnološko i organizaciono unapređivanje poslovanja su neophodni kao bi se metalni sektor uspješno nastavio boriti sa konkurencijom.

Proizvodi 2017. godine

- sve vrste municije cal. 5,56 – 12,7mm
- minobacačka, artiljerijska, tenkovska i antitenkovsku municija, rakete, municiju za pješadijsko naoružanje i avionske bombe,
- inicijalne kapisle i detonatori za civilnu i vojnu upotrebu – pištoljsku, puščanu, protuavionsku, artiljerijsku municiju i ručne bombe,
- sportska i pištoljska municije za civilni program,
- električne i neelektrične detonatore, detonirajuće štapine i detonatorske kapisle-minobacački i topničkih upaljača i kapsula, do mina te kasetnih i ručnih bombi,
- eksploziv za vojnu i civilnu upotrebu,
- oprema za vojsku i policiju,
- optički proizvodi.



Predsjednik Muratbegović je istaknuo da se pozitivne stvari dešavaju kompanija namjenske idnustrije, i da se upošljavaju novi radnici. Ukupan izvoz za prvih devet mjeseci 2017. godine u odnosu na isti period prošle godine je porastao za 16,40%. Naveo je da se privodi kraju 2017. godina sa ciljem da bude bolji rezultat od prošle godine. Istaknuo je da u frimu Igman d.d. na posao dolazi 1.170 radnika, kao i da se očekuje prijem još novih radnika. Svim metalcima u BiH gosp. Muratbegović je čestitao 15. Novembar Dan metalaca.



Predsjednik Grupacije namjenske industrije gosp. Đahid Muratbegović izložio je historijat, stanje i perspektive namjenske industrije. Podsjetio je da je 80-tih godina u ovoj branši u BiH radilo oko 23.000 radnika u više od 20 preduzeća. Proizvodili su se veoma složeni proizvodi i izvozili širom svijeta. Na osnovu svih parametara, može se kazati da danas namjenska industrija iz godine u godinu nastavlja pozitivne trendove. Danas se proizvodnja u FBiH odvija u 14 preduzeća u kojima je zaposleno oko 3.500 radnika i izvozi se u više od 54 zemlje svijeta.



Prezentaciju automobilske industrije uradio je potpredsjednik Grupacije automobilske industrije gosp. Kenan Nalbantić. Sve prisutne je podsjetio na bogatu historiju koja seže do 50-tih godina prošlog stoljeća kada se u BiH počinju proizvoditi kamionski motori, zatim sklapanje NSU princa i motocikla, potom vw bube, golfa i vw caddy. Istaknuo je da danas u automobilskoj industriji radi više od 10.000 radnika i da je u izvozu automobilske industrije evidentiran rast iz godine u godinu. Ukupan izvoz automobilske industrije u BiH u 2016.godini iznosio je 734 miliona KM. Među pet vodećih tarifa u ukupnom izvozu BiH dvije su iz oblasti automobilske industrije i to: tarifa 9401 Sjedaća u iznosu od 430 miliona KM i tarifa 8708

Izvoz- Uvoz	
*Ukupan izvoz Federacije BiH - IX 2017.godini:	5.417.943.000 (porast: 16,40 %)
*Ukupan uvoz Federacije BiH - IX 2017.godini:	9.225.970.000 (porast: 15,78 %)
*Pokrivenost uvoza izvozom :	58,7%
Udio izvoza TG 93 : Oružje, municija i njihovi dijelovi:	127.714.278 (porast: 6,26 %)
Udio uvoza TG 93: Oružje, municija i njihovi dijelovi:	7.516.457 (porast: 32,72 %)
Kompanije izvoze u 54 zemlje svijeta.	
Top izvozna tržišta: Saudijska Arabija, Egipat, Sjedinjene Američke Države, Pakistan, Bugarska, Malezija, Srbija, Afganistan, Švicarska i Angola.	

Dijelovi i pribor motornih vozila u iznosu od 175,9 miliona KM.

Grupacija automobilske industrije osnovana polovinom 2016.godine sa ciljem da se automobilska industrija BiH podstakne na dodatna ulaganja i razvoj. Također Grupacija je napravila Projekat „Razvoj automobilske industrije FBiH” koji je dobio podršku Vlade FBiH sa ciljem obezbjeđenja sistemse podrške organizaciji automobilske industrije kao i podrška firmama iz FBiH za učešće na EU tržištu i kontaktima sa OEM i sistemskim dobavljačima.

TAS SARAJEVO

- 1969. VOLKSWAGEN preuzima NSU i sa preduzećem PRETIS „TITO” osniva TAS Sarajevo,
- 1970. otpočinje montaža VW BUBE,
- 1976. proizvodnja GOLF,
- 1983. proizvodnja VW CADDY.

Projekat za uključivanje domaćih kompanija u proizvodnju dijelova za TAS.
Uključeni svi resursi u bivšoj državi u dobavljačke lance.

- Nacionalno učešće na vozilu VW CADDY oko 20%
- Nacionalno učešće na GOLF oko 12%





PRILIKE ZA RAZVOJ BH AUTOMOBILSKE INDUSTRIJE

Uključivanje u proizvodnju dijelova elektro vozila
Održavanje nižih serija elemenata konvencionalnih vozila kroz prelagerovanja




Izvoz automobilske industrije BiH

2014. godine	2013. godine	2012. godine
57407.864	723.404.876,17	738.757.366,04
734.047.801,66		

Prepis svjetlosnih tarifa u iznosu 81.49.2017

Tarifa	Naziv Tarife	Vrijednost
9401	Spjeda (iznim onih iz tarifikog broja 9402), unijač	430.555.542
7601	Aluminij u svim oblicima	250.560.564
6403	Obuća sa vanjskim dijelovima od gume, plastične mase	179.086.902
8708	Dijelovi i pribor motornih vozila iz tarifikog broj	175.543.169
2716	Električna energija	155.432.361

U drugom dijelu Info dana metalaca održana je Skupština Udruženja metalske i elektro industrije.



Na redovnoj sjednici Skupštine Udruženja metalske i elektro industrije usvojen je godišnji Izvještaj o radu Udruženja i razgovaralo se o Programu rada za naredni period. Članovi skupštine su predložili aktivnosti koje bi u 2018. godini trebale biti od strateškog značaja. Sve veći problem razvoju preduzeća metalske industrije predstavlja nedostatak stručnih kadrova. Udruženje će na osnovu zaključaka i preporuka, a u saradnji sa privrednicima,

obrazovnim institucijama i drugim nadležnim raditi na programima koji će pomoći da se mladi ljudi lakše zaposle ali i firme dođu do potrebnih kadrova. Na skupštini je razgovarano o Nacrtu Zakona o porezu na dohodak i Zakona o doprinosima FBiH, od kojih će uveliko zavisiti budući razvoj firmi. Također, razgovarano je o izazovima, konkurenciji i trendovima u metalnoj i elektro industriji.

U okviru Info dana metalaca 2017 koji se održao 14.11.2017.godine u Privrednoj/Gospodarskoj komori FBiH održan je Okrugli stol na temu: „Poboljšanje imidža metalske industrije u BiH“.



Učesnici Okruglog stola bili su predstavnici medija, obrazovnih ustanova te privrednici.

Kroz neposrednu diskusiju učesnici na Okruglom stolu dotakli su se brojnih problema sa kojima se suočavaju,

krenuvši od lošeg imidža sektora, nedostatka kadrova, problema sistema obrazovanja ali i lošeg unutarnjeg i vanjskog imidža države BiH kao i nedovoljna promocija pozitivnih priča iz privrede. Evidentan je problem nedostatka stručne i kvalificirane radne snage, koji uveliko utiče na dalji tok razvoja bh privrede. Velika pažnja posvećena je upravo ovoj problematici, te je zaključeno da se u obrazovni sistem moraju početi uvoditi određene promjene. Potrebno je da obrazovni sistem prati potrebe privrede, jer samo tako možemo obezbijediti uspješan razvoj svih proizvodnih grana.

Iznešeni su i određeni prijedlozi i shodno tome donešeni su zaključci. Iskazana je spremnost svih učesnika da kroz aktivnu saradnju doprinesu poboljšanju imidža sektora, te će se na osnovu zaključaka definisati i plan aktivnosti.

Pripremio: Almin Mališević dipl.ing.maš.

Održan šesti Dunavski biznis forum

*Predsjednik Šantić na
Šestom Dunavskom biznis forumu*



U Novom Sadu 5. i 6. Listopada održan je Šesti Dunavski biznis forum čiji je organizacijski partner bila i Privredna Komora Srbije, a na kojem su se okupili gospodarstvenici iz 14 država.

Forum je bio posvećen Dunavskoj strategiji u ulozi businessa, u ostvarivanju njenih ciljeva, jačanju prosperiteta i efikasnijem korištenju potencijala. Cilj je bio da se na temelju Dunavske strategije koju je usvojila Europska unija, prikaže sve ono što je urađeno u prethodnom periodu, ali i da se naprave planovi za budućnost, u cilju što bolje iskorisćenosti mogućnosti koje pruža saradnja država koje pripadaju dunavskom slivu.

Privrednu-Gospodarsku komoru Federacije BiH predstavljao je dr. Marko Šantić, koji je sudjelovao kao panelist na panelu: Regioni –mostovi integrativnih procesa, projekti, ideje i vizije, govoreći o iskustvima povezivanja regija u Jadransko-Jonsku makroregiju.

Prepoznajući aktivan doprinos naše komore u radu foruma, organizatori su Privrednoj-Gospodarskoj komori Federacije dodijelili Povelju “Dunavski kapetan”.



Pripremio: Ivica Barbarić dipl.ing.agr.

Slovenački model energetske efikasnosti i čistije proizvodnje



Slovenija je zemlja koja ulaže velike napore u promociju energetske efikasnosti i racionalnu upotrebu energije, s ciljem da se razvije i učvrsti energetski model koji se zasniva na sigurnosti, kvaliteti i održivosti.



Predstavnici bosanskohercegovačke privrede i dvije entitetske komore boravili su krajem oktobra u posjeti slovenačkim kompanijama, u okviru Programa resursne efikasnosti i čistije proizvodnje u BiH, koji provodi organizacija UNIDO. Uprilicene su prezentacije i razgovori u deset kompanija i to: Regionalni Centar za gospodarenje otpadom, Solvera Lynx, SES Lighting, Institut Jožef Stefan; Staklara u Hrastniku, Kronoterm, Željezara Štore, Esotech i Perutnina Ptuj. Osim toga, veoma zapažena je bila posjeta Gospodarskoj zbornici Slovenije, gdje su nakon plenarnog dijela održani i B2B sastanci sa potencijalnim partnerima. Svi učesnici su saglasni da ovi susreti predstavljaju tek početak novih kontakata kad je u pitanju razvoj poslovne saradnje kroz prenos znanja i ekspertize iz Slovenije u BiH.

U svakoj od kompanija domaćini su demonstrirali na koji način su uz pomoć integriranih energetske rješenja njihove kompanije postale efikasnije, te kako su uspjeli smanjiti troškove energije i ostvariti održivost, uz rješenja prilagođena specifičnim pojedinačnim potrebama.



Ulaganje u mjere energetske efikasnosti slovenačkim kompanijama omogućilo je racionalizaciju troškova i proizvodnih procesa te povećanje konkurentnosti proizvoda. Također, model održivog poslovanja prezentira kompaniju kao društveno odgovornu, koja primjerom pokazuje i važnost brige o okolišu. Društveno odgovorno poslovanje uključuje niz mjera i procedura kojima se osigurava korištenje ekoloških i energetske efikasnih proizvoda na optimalan način.



Optimizacija potrošnje energije uz velike uštede na grijanju i hlađenju, automatska kontrola procesa, LED rasvjeta za unutrašnje i vanjske objekte, obnova i zamjena zastarjelih postrojenja, nova građevinska rješenja za poslovne objekte, mjere očuvanja čistog okoliša, tretman otpada i otpadnih voda, korištenje biomase i drugih alternativnih izvora, u Sloveniji ne samo da promoviraju energijsku efikasnost i održivu gradnju, nego su neophodni danas kad je zbog visokih cijena energije i zaštite okoliša više nego ikada ranije bitno graditi i obnavljati objekte na energijski efikasan način. Svakako je važno napomenuti da promjena tehnologije mora biti i tehnički izvodljiva i ekonomski isplativa. Slovenačke kompanije primjer su uspješne strategije razvoja, kao odgovora na zahtjevne ekonomske i društvene uvjete koji današnjeg čovjeka primoravaju da štedi i odgovornije se ponaša prema prirodnim resursima.



Pripremila : Lejla Sadiković dipl.ing.maš.

U prostorijama P/G K FBiH u Sarajevu i Mostaru uspješno održana prezentacija firme „BORPLASTIKA EKO“ D.O.O. TUZLA



Privredna/Gospodarska komora Federacije BiH u suradnji s „Borplastika Eko“ d.o.o. Tuzla u prostorijama P/G KFBiH 15.11.2017. godine u Sarajevu, te 16.11.2017. godine u Mostaru organizirala prezentaciju "Tehničko tehnološka rješenja tretmana otpadnih voda i zraka u industriji".

Na prezentaciji je bilo riječi o tehničko tehnološkim rješenjima u tretmanu otpadnih voda industrije kombinacijom različitih metoda pročišćavanja, kao što su mehanički tretman, fizikalno-hemijski tretman, biološki tretman, te dezinfekcija i filtracija otpadne vode.

Kada je u pitanju pročišćavanje zraka, prezentovana su rješenja o tretmanu zraka iz industrijskih postrojenja, prerađivačke industrije, objekata komunalne infrastrukture, velikih uređaja za tretman otpadnih voda i drugih. Prezentatori su bili Milan Grahovac, bacc. ing. el. i Aleksandar Kiščinal, dipl.ing.preh.teh.

Iskazan je veliki interes privrednih/gospodarskih subjekata, komunalnih preduzeća i naučnih institucija. Prezentacija je bila interaktivnog karaktera, a prisutni su nakon prezentacije imali priliku dobiti odgovore na postavljena pitanja i razgovarati s predstavicima firme radi uspostavljanja buduće saradnje.

Privredna/Gospodarska komora FBiH će i dalje nastaviti organizirati događaje od interesa za privrednu zajednicu i nastojati biti mjesto susreta privrednika.



Pripremila: Lejla Šepić dipl.prav.

Održan sastanak sa predstavnikom italijanskog Udruženja Assomac



PRIVREDNA/GOSPODARSKA KOMORA
FEDERACIJE BOSNE I HERCEGOVINE
CHAMBER OF ECONOMY OF THE FEDERATION OF BOSNIA AND HERZEGOVINA

U prostorijama Privredne/Gospodarske komore FBiH, 25.10.2017.godine održan je sastanak sa predstavnikom italijanskog udruženja Assomac iz Vigevana – Pavia, g. Mario Pucci direktor za međunarodne odnose, i g. Muris Goralija, ITA - Odjel Ambasade Italije za promociju ekonomskih odnosa.



Assomac – Udruženje italijanskih proizvođača mašina i tehnologije za proizvodnju obuće i industriju kože je jedno od najstarijih udruženja u Italiji koje okuplja preko 150 firmi sa izuzetno jakom izvoznom orijentacijom.

Osim toga udruženje Assomac je i organizator sajmova "SIMAC" – "Tanning Tech", vodećih sajamskih manifestacija mašina i opreme u kožarsko-obučarskoj industriji koji se održavaju u Italiji, zemlji koja se ubraja među najveće proizvođače cipela i kože na svijetu.

Direktor za međunarodne odnose g. Mario Pucci izvršio je prezentaciju dosadašnjih aktivnosti saradnje udruženja Assomac i bosanskohercegovačkih firmi.

Potpredsjednik P/G K FBiH, Mirsad Jašarspahić i sekretar Udruženja za tekstilnu i kožarsko prerađivačku industriju P/G K FBiH, Jasmina Zejnilagić prezentirali su stanje ovog sektora, ostvarene izvozne rezultate i najbitnija izvozna tržišta. U FBiH velik broj kompanija bavi se ovom

proizvodnom djelatnošću te su prezentirani i uspjesi bh kompanija. Evidentno je da kožarska industrija iz godine u godinu bilježi pozitivne trendove, što je rezultat investicija kompanija u tehnologiju ali i brzog reagovanja i kvalitetanih odgovora na zahtjeve poslovnih partnera. Na sastanku su razmjenjena mišljenja i relevantne informacije o perspektivama razvoja kožarsko-galanterijske i obućarske industrije u Federaciji Bosne i Hercegovine.

Zemlje Evropske Unije predstavljaju najznačajnije tržište za ovu bosansko-hercegovačku industrijsku granu, a top 3 zemlje u koje naše kompanije izvoze obuću su Italija, Njemačka i Austrija. Stoga, saradnje P/G K FBiH sa italijanskim Udruženjem Assomac otvara mogućnosti za jačanje, ali i uspostavljanje novih poslovnih prilika i kontakata između bosanskohercegovački i italijanskih kompanija.

Pripremila: Jasmina Zejnilagić dipl.ecc.

Počasni generalni konzul Bosne i Hercegovine u Republici Turskoj gospodin Kemal Baysak posjetio P/G Komoru FBiH



Juče su Privrednu/Gospodarsku komoru FBiH posjetili gospodin Kemal Baysak, počasni generalni konzul Bosne i Hercegovine u Republici Turskoj i gospodin Džemal Šenel, zamjenik predsjednika Upravnog odbora Federacije udruženja kulture Bosne i Hercegovine u Turskoj.

Radi se o uzvratnoj posjeti dogovorenoj prilikom boravka predsjednika Mirsada Jašarspahića trgovačkoj komori grada Izmiru u oktobru ove godine.

Posredstvom P/G Komore FBiH je dogovorena posjeta preduzeću AD HARBI d.o.o. Sarajevo, koje je u procesu revitalizacije i pokretanja procesa eksploatacije i prerade pirofilitnog škrljca iz nalazišta Parsovići-Konjic.

Gostima je nakon upriličene prezentacije, vlasnik preduzeća AD Harbi, gospodin Muhamed Harbinja naglasio da oni žele postati referentan proizvođač pirofilita (razne granulaže i različitog stepena prerade), koji zadovoljava potrebe kupaca u raznim industrijama na lokalnom, regionalnom i širem svjetskom tržištu.

U organizaciji P/G Komore FBiH dogovoreno je učešće firme AD Harbi na predstojećem sajmu poljoprivrede Izmir 2018.godine, na kome će ova perspektivna bh kompanija biti predstavljena poslovnoj zajednici Republike Turske.



Pripremio: Emir Pašić dipl. ecc.

Održane javne rasprave o Nacrtima Zakona o porezu na dohodak, Zakona o doprinosima, te o inicijativi za izmjenu Zakona o porezu na dobit

Nakon što su tekstovi Zakona o porezu na dohodak i Zakona o doprinosima na prijedlog Vlade F BiH utvrđeni u formi Nacrta od strane oba doma Parlamenta F BiH, o istima je otvorena Javna rasprava, koja je predviđena da traje do 31.12.2017.godine.

Obzirom da ovi zakoni donose nekoliko ključnih promjena u odnosu na postojeća zakonska rješenja, Privredna/Gospodarska komora F BiH, Udruženje poslodavaca F BiH, Vijeće stranih investitora F BiH, FIPA, te predstavništvo Njemačke privrede u BiH su usaglasili zajedničko održavanje javnih rasprava u deset gradova u Federaciji BiH.

Zakon o porezu na dobit koji je ranije usvojen, je takođe bio predmet Javne rasprave, obzirom na činjenicu da je pokrenut postupak donošenja njegovih izmjena i dopuna.

Ovi zakoni su sistemski zakoni koji se odnose na sva privredna društva, predviđeni Reformskom agendom BiH, čije usvajanje se očekuje u 2018.godini.

Javne rasprave su održane sa ciljem da se ukaže na važnost donošenja provodivih, fleksibilnih i optimalno prihvatljivih zakona.

Rasprave su održane u Gračanici, Tuzli, Bihaću, Tešnju, Zenici, Travniku, Goraždu, Mostaru, Širokom Brijegu, Sarajevu, na kojim su pored predstavnika organizatora učestvovali predstavnici privrednih društava, institucija, lokalne zajednice, uz kvalitetnu medijsku podršku.

Na rasparavama su prezentirani amandmani na ove Zakone, sa obrazloženjem te projekcijom eventualne primjene Zakona, sa fokusom na ključne promjene u odnosu na postojeća zakonska rješenja.




Javna rasprava u Bihaću



Javna rasprava u Gračanici

U generalnom osvrtu na ove Zakone gosp. Zlatan Dedić iz Udruženja poslodavaca F BiH je istakao da sva tri zakona su sistemski važna za poslodavce i za stvaranje povoljnijeg poslovnog ambijenta, sa osnovnim ciljem rasterećenja privrede. No, ovako predložene zakonske izmjene to ne osiguravaju, te mi imamo prijedloge amandmana kojima će to biti zaista učinjeno." Analiza zakona je pokazala da je opterećenje rada u FBiH među najvećim u Evropi. Stoga, Udruženje predlaže smanjenje stope doprinosa, kojim bi se pokrenulo novo zapošljavanje, smanjenje nezaposlenosti, povećala bi se potrošnja i omogućilo veće punjenje budžeta i vanbudžetskih fondova.






Javna rasprava u Mostaru

Direktor Sektora za ekonomske i pravne poslove u Privrednoj komori FBiH Željko Raguž naglasio je da je Vlada FBiH u nacrtu Zakona o porezu na dohodak predložila uvođenje oporezivanja dividendi, prihoda od kapitalne dobiti, pa čak i kamata na štednju u bankama, što, po Raguževim riječima, nisu dobra rješenja.

Raguž je naveo kako u drugom bh. entitetu ne postoji oporezivanje dividende, kao ni porez na kamatu, te da bi oporezivanje tih prihoda moglo prouzročiti prebacivanje sjedišta kompanija iz Federacije BiH u Republiku Srpsku. Pored toga, smatra da predloženi zakoni destimuliraju štednju, destimuliraju investicije, a uvođenje oporezivanja dividendi negativno bi djelovalo na i onako zamrlo tržište kapitala.

Smanjenjem stopa doprinosa prema nacrtu došlo bi do rasterećenja iznadprosječnih plaća dok bi one ispodprosječne, a takvih je u gospodarstvu najviše, novim prijedlogom bile opterećenje više nego sada, što najbolje ilustrira sljedeći primjer:



Javna rasprava u Tešnju



Javna rasprava u Sarajevu

Mladen Pandurević direktor Udruženja poslodavaca FBiH rekao je da su ovo vrlo važni zakoni koji imaju nesagledive posljedice po privredni ambijent, a time i život općenito.

“Pokušavamo na bazi argumenata da dokažemo Vladi Federacije BiH da treba da naprave rasterećenje privrede i ispuni obavezu koju je preuzela samom Reformskom agendom. Tražimo rješenja koja će dovesti do toga da radnici imaju više, time i više troše, da kreiraju nova radna mjesta, da se bolje puni budžet i vanbudžetski fondovi”, rekao je Pandurević.

Goran Stanojević iz Agencije za unapređenje stranih investicija u BiH ističe da ni strani investitori nisu zadovoljni predloženim nacrtima zakona, te da je ukidanjem poreskih olakšica po osnovu izvoza sve teže privući strane investitore.

Učesnici na održanim javnim raspravama su iskazali da predložena zakonska rješenja trebaju biti prihvatljiva i za radnike i za poslodavce. Istakli su problem odlaska mladih i radne snage, ali i nemogućnost da se formira bolji poslovni ambijent zbog brojnih parafiskalnih poreza, loših zakonskih rješenja, visoke opterećenja rada i destimulativnih Vladinih mjera prema privrednicima i investitorima.

Nacrt Zakona o doprinosima FBiH donosi nekoliko ključnih promjena. Prva je smanjenje ukupne stope doprinosa, koja sada iznosi ukupno 33% i to: doprinosi za PIO u iznosu od 18,50% osnovice, doprinos za nezaposlenost u iznosu od 1% osnovice, te doprinos za zdravstveno osiguranje u iznosu od 13,50% osnovice. Druga novina je da se osnovica proširuje te su sada oporezivi i dodaci na platu koji su do sada bili neoporezivi, poput toplog obroka i dodatka za prevoz.

Na raspravi je između ostalog rečeno da je potrebno pojednostaviti poslovanje kroz harmonizaciju entitetskih zakona zbog osiguranja jedinstvenog tržišnog prostora i konkurentnosti na nivou Bosne i Hercegovine.

Učesnici na održanim javnim raspravama su iskazali da predložena zakonska rješenja trebaju biti prihvatljiva i za radnike i za poslodavce. Istakli su problem odlaska mladih i radne snage, ali i nemogućnost da se formira bolji poslovni ambijent zbog brojnih parafiskalnih nameta, loših zakonskih rješenja, visoke opterećenja rada i destimulativnih Vladinih mjera prema privrednicima i investitorima



*Pripremili : Amela Kečo dipl.prav.
Željko Raguž dipl.ecc.*

Održan 25. Zagorski gospodarski zbor „Krapina 2017“

25. Zagorski gospodarski zbor „Krapina 2017“, kao tradicionalna gospodarska izložba organizirana od strane HGK Županijske komore Krapina, Krapinsko – zagorske županije, Obrtničke komore Krapinsko – zagorske županije i Grada Krapine, održan je u Krapini - Republika Hrvatska, u razdoblju od 7.-9. rujna 2017. godine, na izložbenom prostoru od 5.000 m², sa preko 280 izlagača, što predstavlja najveće okupljanje i dobru promociju gospodarstvenika Krapinsko – zagorske županije.



Na ovogodišnjem 25. Zagorskom gospodarskom zboru „Krapina 2017“ aktivno učešće već treću godinu za redom uzela je i Privredna/Gospodarska komora Federacije Bosne i Hercegovine, uspješno promovirajući svoje članice kao i cjelokupno gospodarstvo Bosne i Hercegovine. Na bogato opremljenom izložbenom prostoru P/GKFBiH, gospodarstvenici iz zemalja regije kao i EU mogli su da se upoznaju sa svim poslovnim potencijalima koje naša zemlja nudi potencijalnim investitorima, naročito iz sektora metalne industrije, energetike, poljoprivrede te turizma.

Pored posjetitelja iz gospodarskog svijeta, izložbeni prostor Privredne/Gospodarske komore Federacije Bosne i Hercegovine, posjetio je i izaslanik premijera Andreja Plenkovića, g. Antičić Mario, državni tajnik u ministarstvu gospodarstva, poduzetništva i obrta, ministar turizma Republike Hrvatske, g. Gari Cappelli, župan Krapinsko – zagorske županije g. Željko Kolar, te istarski župan g. Valter Flego.

Predstavnici diplomatskog kora Republike Hrvatske posebno su istakli dobrosusjedske odnose Bosne i Hercegovine i Republike Hrvatske, te istakli takve odnose kao

preduvjet za još bolju poslovnu suradnju dviju zemalja. Izložbeni prostor Privredne/Gospodarske komore Federacije Bosne i Hercegovine, posjetili su i organizatori ovogodišnjeg sajma, g. Davor Pleško predsjednik Obrtničke komore Krapinsko – zagorske županije, g. Josip Grilec, predsjednik Hrvatske gospodarske komore – županijske komore Krapina i g. Josip Zaher, potpredsjednik HGK Županijske komore Krapina, g. Dragutin Ranogajec, predsjednik Hrvatske obrtničke komore i g. Zoran Gregurović, gradonačelnik Krapine te su tom prigodom izrazili dobrodošlicu predstavnicima P/GKFBiH, i zahvalili se na promociji gospodarstvenika i obrtnika iz Federacije Bosne i Hercegovine te posebno istakli regionalnu sajamsku suradnju koja pored svih modernih sredstava komunikacije daje poseban značaj u boljoj komunikaciji, razumjevanju te razmjeni iskustava prilikom formalnih i neformalnih druženja.

G. Josip Grilec, predsjednik Hrvatske gospodarske komore – županijske komore Krapina, koji je ujedno i uspješan poduzetnik, istaknuo je da stisak ruke i pogled oči u oči i dalje ostaje najjače sredstvo komunikacije i povjerenja. Posebnu pažnju posjetitelja privukli su proizvodi od fi-

berglassa, firme FIBRAWORLD iz Gradačca, proizvodnja i prodaja peleta kompanije EURO-STIL iz Doboja, HIFA GROUP iz Tešnja, ALUMINIJ d.d iz Mostara, turistički potencijali Mostara, Sarajeva, Ljubuškog, Čitluka, te drugih gradova iz BiH.

Tijekom trajanja zбора, pored organiziranih okruglih stolova i prezentacija na aktualne teme iz gospodarstva i obrtništva, posjetioci su mogli uživati u degustaciji autohtonih zagorskih specijaliteta i kvalitetnog vina, kao i bogatom zabavnom kulturno - umjetničkom programu.

Jedan od zapaženijih okruglih stolova održan je 8. rujna u prostorijama HGK Županijske komore Krapina koji je posvećen ženskom poduzetništvu pod nazivom „Dan kreativnih žena“ na kojem su se sastale istarske i zagorske žene poduzetnice.

U izuzetno dobroj atmosferi mogli su se čuti savjeti poduzetnica sa bogatim dugogodišnjim iskustvom među

kojima je bila i dobitnica brojnih priznanja za kvalitetu svojih proizvoda iz domena biljne kozmetike, gđa. Dubravka Orlić Bašling.

Ovom Okruglom stolu su, pored poduzetnica, nazočile i gđa. Gordana Restović, predsjednica Hrvatske udruge poslovnih žena, koja danas broji 200 članova, zatim gđa. Jasna Jaklin – Majetić, predsjednica HGK ŽK Pula, kao i zamjenica župana za društvene djelatnosti gđa. Jasna Petek, koje su također podržale i ohrabrine poduzetnice na aktivnije sudjelovanje u društvu. Iz godine u godinu veći, posjećeniji i raznovrsniji, ovogodišnji Zagorski gospodarski zbor šalje poruke da sajmovi ostaju jedni od glavnih pokretača gospodarstva, suradnje i prijateljstva te postaju budućnost, ne prošlost.

Pripremio: Dario Planinić, dipl. oec

Predstavници P/G K FBiH posjetili sajam FMB u Bad Salzfluenu i Privrednu komoru Bielefeld u Njemačkoj

Predstavnici Privredne/Gospodarske komore FBiH, direktor Sektora za industriju i usluge Almin Mališević i predsjednik Udruženja metalne i elektro industrije Kasim Kotorić, su bili dio bh delegacije koja je 8. i 9. 11. 2017. godine posjetila sajam mašinogradnje i inženjerstva FMB u Bad Salzfluenu u Njemačkoj.



Sajam FMB osnovan je 2005. godine kao prezentacijska platforma za dobavljače mašinogradnje. Sa više od 700 firmi u oblasti mašinogradnje i njihovih dobavljača, regija u kojoj se sajam održava Ostwestfalen-Lippe, jedna je od najjačih u Njemačkoj i generira godišnji promet od preko 19 milijardi eura. FMB sajam okuplja konstruktore, programere i kupce zajedno u ciljanom smislu i predstavlja cjelokupni spektar industrije dobavljača za izgradnju mašina i postrojenja, uključujući i preteče usluge.



Ove godine na FMB-u je 556 firmi predstavilo svoje inovativne proizvode i rješenja iz mašingradnje, obrade metala, inženjerstva, elektronike, softverskih rješenja i prateće opreme za mašinsku industriju.

Posjeta je organizirana uz podršku zajedničkog programa Evropske unije i Vlade Njemačke za lokalnu samoupravu i ekonomski razvoj, EU ProLocal kojeg sprovodi GIZ, s ciljem podrške razvoju metalske industrije u Bosni i Hercegovini i uspostavljanju kontakata bh privrede sa jednim od najrazvijenijih regiona u Njemačkoj.

Pored predstavnika i eksperata GIZ-a kao organizatora, u posjeti su učestvovali predstavnici Privredne/Gospodarske komore FBiH, Vanjskotrgovinske komore BiH, Privredne komore RS i Intera Tehnološkog parka.

Bh delegacija je održala sastanak sa predstavnicima FMB sajma sa g. Christian Enßle, g. Jörn-Hendrik Dux i g. Wolfgang Marquardt, na kojem su domaćini održali kratku prezentaciju sajma i mogućnosti koje su pružaju izlagačima. Predstavnici iz BiH su informisali domaćine o bh metalnoj industriji, potencijalima, kao i perspektivi ove grane u BiH. Sa predstavnicima sajma, upriličen je obilazak sajma, te posjeta štandu Clastera ITS OWL.

Drugog dana posjete upriličena je posjeta Privrednoj komori Bielefelda. Održan je sastanak sa g. Jens U. Heckeroth i g. Arne Potthoff na kojem su predstavljeni impresivni statistički pokazatelji u regiji Ostwestfalen zu Bielefeld koja spada među najrazvijenije u Njemačkoj. Regija sa 1,7 miliona stanovnika, 680.000 zaposlenih i preko 100.000 firmi ostvaruje GDP per capita sa 35.000 eura.

Predstavnici Privredne/Gospodarske komore FBiH su predstavili stanje u metalnoj industriji BiH, potencijale koji postoje kao i mogućnosti za uspostavljenje poslovnih veza njemačkih i bh firmi. Također, domaćinima je ukazano na velike mogućnosti za investiranje u Bosnu i Hercegovinu i dogovoreno je da se dostave detaljne informacije o investicionim lokacijama i uslovima u kojima se posluje u Bosni i Hercegovini.

Privredna/Gospodarska komora FBiH će nastojati da uz pomoć EU ProLocal projekta i GIZ-a, organizuje kolektivno izlaganje bh firmi na sajmu FMB 2018.

Pripremio: Almin Mališević dipl.ing.maš.

"Koteks" d.o.o. Tešanj

Koteks otvorio novi pogon u Zavidovićima



Nakon dvije decenije uspješnog poslovanja kompanija Koteks iz Tešnja svoja je iskustva prenijela u Zavidoviće. U novembru u nekadašnjem DC "Stoličara" u IP "Krivaja" u Zavidovićima Koteks je otvorio još jednu podružnicu. U tekstilnom pogonu, od skoro 2.500 kvadrata, koji je opremljen savremenim mašinama, proizvodit će se policijska i vojna oprema, presvlake za namještaj i auto-indrustriju, te zaštitna i službena odjeća od kože i tekstila.



Iako je otvorenje novog tekstilnog pogona firme Koteks Tešanj u Zavidovićima bilo najavljeno za juni, do tog nije došlo, jer zbog lošeg stanja prostora, adaptacija je trajala duže nego što se očekivalo. Podršku i zadovoljstvo u pokretanju ovog pogona svakako su iskazali i predstavnici općine Zavidovići.



U prvoj fazi je zaposleno 55 radnika, a još najmanje 50 radnih mjesta bit će uposleno do kraja godine. Konačan plan je popunjavanje kapaciteta od 250 radnih mjesta. Kompletna proizvodnja namjenjena je za evropsko tržište. U narednom periodu planirana je i nova investicija u Krivajinom pogonu, u koju će uložiti oko 1,6 miliona maraka, a radi se o pokretanju proizvodnje stolica po čemu je "Stoličarka" i poznata u BiH. U više od dvije decenije postojanja firme uspostavljeni su odlični poslovni odnosi s dobavljačima i kupcima, a poslovanje vrše u skladu sa standardima ISO 9001-2008, ISO 14001-2004 i OHSAS 18001-2007. Sudeći prema dosadašnjim rezultatima kompanija "Koteks" vodeća je u otkupu, preradi i prodaji sirove kože i wet blue u Bosni i Hercegovini, a u svom proizvodnom programu nudi funkcionalnost, udobnost i visok estetski dojam. Zahvaljujući kombinaciji kvalitetnih materijala i savremenog dizajna, svi proizvodi ove kompanije u potpunosti ispunjavaju svoju namjenu.

Pripremila: Jasmina Zejnilagić dipl.ecc.

bh proizvod

Dostavljamo pošiljke unutar 24 sata bilo gdje u BiH

Brza pošta. Uvijek na vrijeme. Nekada i ranije.

Hrvatska pošta Mostar godinama je nastojala razumjeti potrebe i slušati želje svojih korisnika te je, u skladu s tim, razvijala infrastrukturu i distribucijsku mrežu. Sve je više korisnika koji žele kvalitetnu i brzu dostavu pošiljaka u što kraćem roku, a usluga Brze pošte sada im to omogućava na prostoru cijele Bosne i Hercegovine. Korisnici mogu iz bilo kojeg grada u BiH u bilo koji grad u BiH, bez obzira u kojoj se županiji ili entitetu nalaze, poslati dokument ili paket Brzom poštom i očekivati isporuku u roku od 24 sata. Pozivom na broj 1323 pošiljka će biti preuzeta na vašoj adresi. Također, pošiljku možete predati u najbližem poštanskom uredu bilo kojim radnim danom uključujući i subotu. U radu se koristimo najnovijim tehnologijama te svoju pošiljku možete pratiti i putem interneta www.post.ba/servisi/track-and-trace/. Također, uz uslugu Brze pošte vršimo i posebne usluge poput povrata dokumentacije, plaćanja pouzecem, plaćanja poštarine od strane primatelja te ostale usluge (povratnica, osobno primatelju i izdvojeno rukovanje).

Zajednički projekt Brze pošte pokrenuli su Hrvatska pošta Mostar, BH Pošta i Pošte Srpske kako bi na najbolji mogući način odgovorili potrebama i zahtjevima tržišta za brzim prijenosom „od vrata do vrata“ dokumenata i robe. Na realizaciji ove jedinstvene usluge angažiran je veliki broj poštanskih zaposlenika (preko 5.250) koji mogu ispuniti zahtjeve korisnika na cijelom području BiH i tako na najbolji mogući način odgovoriti konkurenciji.

Trend opadanja poštanskog prometa i konkurencija u svim segmentima djelatnosti, kao i pojava zamjenskih tehnologija za Hrvatsku poštu Mostar samo su poticaj da bude bolja. Podizanjem razine kvalitete u svim segmentima poslovanja, unaprjeđenjem usluga za privatne i poslovne korisnike te uključivanjem u međunarodne poštanske tijekove HP Mostar želi poboljšati svoje usluge kako bi naši korisnici bili što zadovoljniji. Pozitivnim odnosom prema društvu u kojem živimo i resursima koji su nam na raspolaganju, HP Mostar vjeruje da će u budućnosti biti prepoznata po uspjehu i pravim, trajnim vrijednostima. Jer, cilj Hrvatske pošte Mostar je da svaki korisnik dobije uslugu kakvu želi, brzo i na najvišoj profesionalnoj razini. Jedna od takvih usluga svakako je Brza pošta. Brza, pouzdana i fleksibilna s rokom isporuke pošiljaka od 24 sata na području cijele Bosne i Hercegovine. Brza pošta. Uvijek na vrijeme. Nekada i ranije.

Brza pošta. Uvijek na vrijeme. Nekada i ranije.

www.brzaposta.ba



**Dostavljamo pošiljke unutar 24 sata
bilo gdje u Bosni i Hercegovini.**



Hrvatska pošta Mostar

1323



PRIVREDNA/GOSPODARSKA KOMORA
FEDERACIJE BOSNE I HERCEGOVINE
CHAMBER OF ECONOMY OF THE FEDERATION OF BOSNIA AND HERZEGOVINA

Svim građanima Bosne i Hercegovine

čestitamo

*25. novembar – Dan državnosti
Bosne i Hercegovine*

